

集部

欽定四庫全

集部 吳都文粹續集卷五十六至


詳校官庶吉士臣朱 理 侍讀臣孫球覆勘

總校官進士臣終 校對官監丞臣張曽柄 腾銀監生臣徐如

琪


灝

欠三日戶 二六 THE PROPERTY OF THE PROPERTY O 動物的技術學家 活用的证明 THE RESERVE OF THE PARTY OF THE STATE OF THE PARTY 具都文件編集 STATE OF STATE 明 錢穀 撰



Print of Just				
具都史料續集				
11				

	 	-			
次足四年在雪 一			全卷原闕	吳都文粹續集卷五十四	欽定四庫全書
共都文 粹績集				十四明	
				錢穀	
				撰	



							. 1
ころん ノロ・ロー とよい							i
3							i
5							
							-
3-							
9	ĺ						
Ì							
							) 
呉							
具都文粹續集							
幹							
續			•				1
赤							
					1		
ے							
			Ì		1		
		1		1			
							<b>'</b>
	L j	L.		<u> </u>		1	i

金灰四库全書 呉都文粹續集卷五十四 卷五十四

次定四車在馬 司業諱籍字文昌蘇州吳郡人也貞元十五年丞 部員外郎國子司業公為古風最善自李杜之後 相渤海公下及第歷官太祝秘書即國子博士水 欽定四庫全書 風雅道丧繼其美者唯公一人故白太傅讀公集 **吳都文粹續集卷五十五** 詩文集序 唐張司業詩集序 具都大粹結集 明 錢穀 張垍 掑

出 詞 服 其倫又姚秘監當讀公詩云妙絕江南曲凄涼 曰張公何為者業文三十春尤工樂府詞章代少 女詩古風無手敵新語是人知其為當時文士 妙冠於流品矣自唐末多故臶經雜亂公之遺 天下宗匠謂之元和體律詩貞元以前作者 也 如 ノココー 此元和中公及元丞相白樂天孟東野 互相祖尚拘於常態迨公 子自丙午歲追至乙丑歲相次緝 一變而後章 句 推 怨 歌

而盡其善排羣議而試厥謀道之難行也亦已久 待之宣室恨得後時遇亦深矣然竟不能達四聰 曾讀賈誼書觀其經制人文鋪陳帝業府亦至矣 次 訪以廣其遺闕云爾翰林學士中書舎人張垍編 僅得四百餘篇釐為五卷藏諸篋笥餘則更俟博 唐贈兵部尚書宣公陸公贄翰苑集序 權德與

**欠己可戶在事** 

吳都文粹續集

萬為購曰願以此奉太夫人一日之膳公悉辭之 有名於時一獲語言大加賞識暨別鑑以泉貨數 蘇人漂陽令倡之子年十八登進士第應博學宏 亂日多大雅哀而正聲寢漢道未融既失之於賈 其器方鑿圓枘良工無以措巧心所以治世少而 矣東陽絳灌何代無之嘻一黃 辭科授鄭縣尉非其好也省母歸壽春刺史張鎰 傳吾唐不幸復擯棄於陸公公諱贄字敬與吳郡 一猶善齊不能同

多好四月石量

卷五十五

火己日戶 八五百 事情中於機會倉卒填委同職者無不拱手數伏 之亂從幸奉天時車駕播遷部書旁午公灑翰 翰林即日為學士由祠部員外轉考功郎中朱批 自 不能復有所助當從容奏曰此時部書陛下宜痛 領新搽 引過以感人心昔禹湯以罪己勃與楚昭以善 史府以監察搜之德宗皇帝春官時知名台對 不復起草初若不經思慮及成而奏無不曲盡 串而已是歲以書判拔萃調渭南主簿 ş 即

具都文粹领集

亂 辭無諱無樂羣盜革心上從之故行在記書始下 言復國陛下誠能不怪改過以言謝天下俾臣草 金灯四 雖武人悍卒無不揮涕激發議者以德宗克平寇 助馬及還京師李抱真來朝奏曰陛下在山南時 山東士卒聞書詔之辭無不感激思奮臣節時臣 知賊不足平也公自行在带本職拜諫議大夫中書舎 精敏小心未當有過艱難扈從行在軟隨啟沃謀獻 不惟神武之功爪牙宣力盖亦資文德腹心之 月全書 卷五十五

善幸令每月置遺公奏而受之服関復内職權知兵部 特所親信有時燕語不以公卿指名但呼陸贄而已初 幸梁洋棧道危狭從官前後相失上夜次館召公不至 方轉遺數百萬公一無所取素與蜀帥韋南康布衣友 **汝然號於禁旅曰得陸贄者賞千金頃之公至太子親** 洛遣人護溧陽之極附於河南上遣中使監護其事四 至京師道路置驛文士祭之丁韋夫人憂去職持丧於 王皆賀初公既職内署母韋氏尚在具中上遣中使迎

九巴日草 白雪

具部文粹績集

苟且自爱事有不可必諍之上察物太精躬臨庶政失 侍郎觐見之日天子為之興改容叔子優禮如此內外 於大體動與公達好決從而間之屢至不悦親友或規 郎知貢舉得人之盛公議稱之貞元八年拜中書侍郎 平章事公以少年入侍内殿特蒙厚遇不可與世浮沉 屬望旦夕俟其輔政為實參忌疾故緩之真拜兵部侍 於吏事斟酌剖決不與錙銖其經綸制度具在德宗實 之公曰吾上不員天子下不員吾所學不邱其他公精

一金写世屋 台書

次足四軍全馬 图 中傷陰結延齡互言公短室相趙憬公之引拔异為同 延齡奏曰此皆陸勢革怨望鼓煽軍人也貶公忠州别 公退為賓客罷政事明年夏旱錫糧不給軍校訴於上 列以公排邪守正心復異之羣邪沮謀直道不勝十年 以身當之屢言不可翰林學士吳通玄忌公先達每切 支裝延齡以奸回得幸害時蠹政物議莫敢指言公獨 者以公與參素不協歸罷相之議於公戸部侍郎判度 錄及實參納劉士寧之略為李巽所發得罪左遷橫議 吳都文粹綺集

論思獻納軍國利害巨細則有奏章七卷覽公之奏則 金りてんと言 敷之為大點申之為典誤伴標校向風懦大增氣則有 行於世江峽十稔永貞初與鄭餘慶陽城同徵還公已 識其面復避誇不若書唯考校醫方撰集驗方五十卷 駕上怒不可測賴陽城張萬福救之獲免蜀帥幸令抗 制語集一十卷覽公之作則知公之為文也潤色之餘 **薨時年五十二公之東筆內署也權古揚今雄文藻思** 表請以贄代已歲賂資糧公在南窗閉門却掃那人稀

無命終於一働惟公才不謂不長位不謂不達逢時而 奏議則知公之事君也古人以士之遇也其要有四馬 衛考其文也與典謨接擊則有中書奏議七卷覽公之 塘衡而揭日月清氣诊而平泰階數其道也與伊說爭 知公之為臣也其在相位也推賢與能舉直錯枉將幹 以房魏姚宋逢時遇主克致清平陸君亦獲幸時君而 才位時命也仲尼有才而無位其道不行賈生有時而 不盡其道非命飲養氏之子馬能使公不遇哉說者又

钦定四軍全書 具都文粹續集

**畧書其官氏景行以為序引俾後之君子覽公制作效** 集十五卷其關於時政昭昭然與金石不朽者惟制語 致君不及貞觀開元者盖時不幸也豈公不幸哉以為 在人盐蝗竟天農稷不能善核奔車覆轍孔孟亦發規 不能與房魏爭列盖道未至也應之曰道能自吾弘之 奏議乎雖已流行多謬編次令以類相從冠於編首魚 其道木至不亦誣乎公之文集有詩文賦集表狀為别 行若使四君與公易時而相則一否一臧未可知也而

次定四車全馬 賦銘記傳序往往雜發不類不次混而載之稱為業書 堪贏耗時亦隐几强坐內抑鬱則外揚為聲音歌詩頌 以藥劑象梧子大小外研墨此筆供紙扎而已體中不 盖蠹魚十餘篋伯男兒幾三尺許長為強齒猶未編教 叢書者叢胜之書也叢胜猶細碎也細而不遺大可知 其所容矣自或符六年春卧病於笠澤之濱敗屋數問 之為文為臣事君之道不其偉敗 叢書序 具都文粹結集 陸龜蒙

詩有三言四言五言六言七言八言九言之作三言者 曰板振驚驚于飛是也五言者曰誰謂雀無角何以穿 **篾凸降及漢氏詩道若作然二雅之風委而不與矣在** 才之備者於聖為六藝在賢為聲詩噫春秋之後頌聲 詩有六義其一曰此此者定物之情狀也則必謂之才 避馬笠澤松江之名 自當接變之一物非敢露世家耳目故凡所諱中畧無 人と言言 松陵集序 皮日休

我屋是也六言者曰我姑酌彼金罍是也七言者曰交 交黄鳥止於桑是也九言者曰泂酌彼行潦挹彼注兹 詩云親憫既多受侮不少其對也工矣死典曰聲依永 言者漢武曰日月星辰和四時是也爾後盛于建安建 之也其句亦出於毛詩五言者曰攜手上河深是也七 是也盖古詩率以四言為本而漢氏方以五言七言為 吾唐開元之世易其體為律馬始切儷偶拘於聲勢然 安以後江左君臣競以浮艷勝然詩之六義微矣建及

欠三日日という

具都文粹績集

若燎毛髮其為秋則涼魁髙瞥若露天骨景與夕清神 天青夫如是豈拘於一哉亦變之而已人之有才者不 冶酣人肌骨其為夏則赫曦朝升天地如窑草焦木渴 也分而為四時其為春則煦枯發於如育如護百時融 不得以知之夫才之備者猶天地之氣乎氣者止乎 知干祀之後詩之道止於斯而已邪後有變而作者予 律和聲其為律也甚矣由漢及唐詩之道盡矣吾又不 不蔽形其為冬則霜陣一捷萬物皆瘁雲沮日慘若憚

金月四四百十

詩以貽成王吉甫作頌以贈申伯詩之酬贈其來尚矣 為其詞詞之作固不能獨善必須人以成之昔周公為 危丁之牛慶之輪郢之斤不足善謂其神解也意古之 慶則已尚愛之豈 與於是乎故才之用也廣之為滄 溟 士窮達必形乎歌詠尚欲見乎志非丈不能宣也於是 可窮小則一毫之末不可見苟其才如是復能用之則 之為敦治壯之為武賁弱之為處女大則八荒之外不 細之為溝竇髙之為山嶽碎之為礫尾美之為西子惡

欠已日日 八子丁

英都大棒綠泉

蒙以所製命之和各盈編軸亦有名具首者十年大司 後乃應况其否者乎予遂以詞誘之果復之不移刻由 龜蒙字魯望者以其業見造凡數編其才之變真天地 諫清河公出牧於吳日休為部從事居一月有進士陸 在淮南今中書舎人弘農守毗陵日休皆以詞獲幸悉 後每為詩必多以斯為事咸通七年會兵部令狐員外 知其孰為之先後也太玄曰稽其門闢其户眼其鍵然 之氣也近代稱温飛卿李義山為之最以愈望參之未

金岁口屋有書

詩外有序十九首總錄之得十通載詩六百八十五首 作或命之和亦著馬其餘則吳中名士又得三十首除 為皆以詞致師詞之不多去之速也大司諫清河公有 首南陽廣文潤卿雕西侍御德師或旅泊之際善其所 首聯句問答各十有八篇其在外合之凡六百五十八 體各九十三首今體各一百九十三首雜體各三十八 之來食則報之而自飲寢則聞之而必驚凡一年為往 是風雨晦明蓬蒿蘙薈木嘗不以其應而為事茍其詞

**议定四軍全書** 

具都史粹結集

讓之時必稱詩以喻其志盖以别賢不肖也予之與生 予豈是那生既編其詞請於予曰爾有文當為吾序詩 道義志氣窮達是非莫不見於是士君子或為之覽賢 漢書曰古者諸侯卿大夫交以鄰國以微言相感當揖 道無日通以名之日休日諾由是為之序松江具之望 不肖可不别乎哉噫古之将有交級而退者今生之於 也别名曰松陵請目之曰松陵集 甫里陸先生文集序 樊開

次に日日 たたち 闕本朝宋景文公重修唐書仍列於隱逸傳令蜀中惟 子甫里先生唐末以左拾遺授之詔下日疾終贈右補 集十卷笠澤叢書八十餘篇自謂江湖散人或號天隨 衣去居松江甫里多所論撰著具與實録四十卷松陵 吳融友性高潔家貧親老屈與張博為湖蘇二郡佐當 於春秋當體江謝賦事名振江右與顏義皮日休羅隱 唐賢陸龜蒙字魯望三吳人也幼而聰悟通六籍尤長 至饒州三月無所詣刺史率官屬就見之龜蒙不樂拂 共都之粹績集

所勝也天隨子居衰亂之世仕不苟合家於松江躬勞 聖人之門非明輕重之理知好惡之正者未有不為物 進退取舎君子之大節惟循於道而不恃然後無處於 符庚辰歲仲秋月耶人樊開題 之不墜而魯望之名復振亦儒者之用心也時聖宋元 **篋笥以私一人之觀覽不若鏤版而傳諸好事度斯文** 松陵集盛行笠澤叢書未有是書家藏久矣愚謂貯之 後序 朱衮

金岁巴尼白電

欠三日臣 二十 甫里先生吾鄉先賢也出處大節已見本傳獨者述 玩其解而已矣於其志節將取馬政和改元季夏四月 其色想其遺風因求善本校証刻之于版伴覽者非獨 毘陵朱衮記 所謂循於道而不恃者那世所傳載書多姓診衮既至 而志直言辨而意深一歸於尊君爱民崇善沮惡兹非 苦甘淡泊而以讀書考古為事所養者厚故其文氣完 同前 具都文粹續集 禁茵

金好四母全書 漫未有善本今傳於世者笠澤叢書松胶集以篇計之 僅四百八十一萬居其鄉誦其文且和其絕句百八十 疑者存之外記者正之文之有遺逸者行且增補之無 名曰附錄總為二十卷刊寘義莊以廣觀覽其間字畫 集計六百五十二篇凡可助此書以流行者聚於卷末 餘首遂於文集中裒集得一百七十一篇合叢書松陵 五年閏月日葉茵謹識 可酬先生泉下之望亦可見齿景慕先哲之意云寶祐

必禹錫千載而後往往不期而進之是豈偶然哉甫里 授之門人付之子孫豈不欲其必傳傳之必遠要之皆 陽公所嘆者不知其幾百氏也方其存時或托以交遊 子雲不以候邑太白不以陽冰退之不必李漢子厚不 不可必其間乃有出於破囊敗度之中幾廢而幸存者 漢而下史錄諸名家集其殘缺不完失滅不可見如歐 甫里先生文集序 林希逸

欠足四草全書 一

先生之沒去今幾百載矣遺稿所存僅有松陵笠澤

具都文件績集

金少巴人 豈應止爾當以棄珠遺壁為恨令吳江葉君茵乃作意 擬拾而裒益之懇懇勤勤若褚先生之於史記張處度 書其詩似陳拾遺其文似元道州平居以文章自怡雖 憂虞疾病無旬日生計未嘗暫輟塗竄則具平生所著 至散軟如此視葉君殊有處矣然史稱盧攜李蔚素與 賢皆平昔所深交者豈無一人可任此責苟有馬亦不 何忠哉先生之亡研墨此筆者雖稱紫溪翁庭門子諸 之於冲虚經網羅放失將必有續得而未已者於先生

皆相於乾符元年五年皆罷而叢書自序乃曰乾符六 善及當國召拜拾遺詔方下而先生卒以史考之盧李 大三日日 · 即直寶謨閣林希逸叙 若以此為先生惜者誤矣實祐六年冬十有一月朝請 卒為所擠死使先生猶在亦豈斯人可致哉史氏之云 之冬攜等再相則與李蔚無與矣然攜附田今孜以進 年卧病笠澤是二人既能而先生猶無悉也若曰六年 重利甫里先生文集序 具都文粹續集 陸釴 0

長洲甫里為唐陸魯望先生之隱處故自號甫里先生 盖以地也去今六百餘祀而流風未冺舊跡猶存道文 家者為可徵馬至先生以高節稱而世並貴其文當時 具郡四姓之舊晉平原內史陸士衡之詩曰四姓實名 之文乃訪而重刊之謂余不可以無序也予知陸氏為 俱墜崑山嚴景和氏居松江之許密通甫里素欽甫里 裴晉公白文公之作同編其所著有具興實録四十卷 殷文珪覽其舊集曰文價沸乎三具而類唐賦者至於

金分四屋台書

卷五十五

陵集六卷刊於寶祐中歷勝國以來歲久板廢景和所 篇而不曰四卷與陳氏所計七卷之數不合叢書松陵 集總六百五十二篇並附録為二十卷閱晁氏所校松 陳氏曰甲乙丙丁詩文雜編朱衮刊於呉江未有四賦 餘篇之數無從補刊矣先生自言平居以詩文自怡 為重刊者繼前賢之勝事誠義舉也而叢書四卷八 用蜀本增入蜀本七卷樊開所序按開序止曰八十餘 松陂集十卷晁氏曰凡六百五十八首笠澤叢書四卷

次之四事全等 一

具都文粹續集

竄塗抹歷年不能寫一本或為好事者取去鄱陽馬氏 逸之中豈同與詩文為好事者取去後出而傳於今那 皆平生詩文新稿知府倪普更為像腹稿不可復得矣 寺中像設皆唐物咸淳中盛氏子醉仆其像於水滿腹 錄書有小名録三卷周密齊東野語曰先生祠在白蓮 書等成集之故先生既沒尚有未及編次者邪殷文珪 抑如晁氏所論無異聞而不書耶所謂腹藏新稿或叢 序列先生所著書無小名錄集中亦不見序述或在所 卷五 欽定四庫全書 馬而即有不立則文者流於一勢又何足貴乎先生之 節之高而已夫丈以昭其節也節以表其文也使徒文 生適丁季唐一不中進士舉知世之不可為也以髙士 那是知先生之制作不獨遺逸於當時復遭奪毀於後 召不至史稱盧攜李蔚當國召拜左拾遺詔下而卒林 代為可惜也然其所以為貴者豈專在於文哉惟其立 已編者為舊集末集為新稿因置腹中故有新舊之分 所覺舊集或吳興實録或叢書或松陵集盖不可知豈 具都文粹績集

書舍人徴拜禮户二部侍郎皆不起又以疾解朱梁禮 明其制行之卓幸不污曲筆其事殆與魯望類而節幸 部尚書之徵梁史書之殊為失真賴王元之據事考言 予觀於司空圖成通中及第避亂隱中條山僖宗以中 公亦曰出於相傳由其一時輕信耳豈别有所據耶以 其心矣至于楊文公談苑所紀内養鴨事詩家多喜引 布逸辯其不然且曰有之決不為盧李輩所致可謂得! 用茵即故實辨其為誣又以談苑為別有所據考之文

欽定四庫全書 確論矣表聖之集曰一鳴景和尚求之藏書之家偶利 並傳俾讀之者因其言而得其節行之詳知其不為徒 李商隱蘇長公稱表里詩文萬雅有承平之遺風可謂 而良史氏輔家鉄鉞褒貶之公安可廢哉因牽聯以書 相如守節可免之言以至於失身後雖皆以詩畫得免 維鄭虔皆能文詞書畫皆入妙品皆污偽官不能行鄭 用存素王勸懲之法皮襲美稱魯望之才不減温庭筠 民都文粹編集

亦相似譬猶天麟不觸世網雪鶴自起雞羣也方之王

成編則有漢上題襟斷金及是三集按皮氏自序謂 俸刊之予觀詩人多尚次韻至元白而益威唐時萃而 謂是集為其邑故物而人未之見授儒士盧维校勘捐 古松陵即今之吳江子同年濟寧劉君濟民來為邑令 益也豈小小哉成化丁未春正月之吉賜進士及第奉 訓大夫右春坊右諭德邑人陸武書 文而明於出處之義流播干載為不朽事則於名教之 刻松陵集趿 都穆

之所無者况其遊燕題咏類多吳中之作後之布賢懷 歲之中詩凡六百五十八首其富如此則又題襟斷金 石守道所作慶歷聖德詩示鄉先生載從旁竊觀則能 慶歷三年載始總角入鄉校士有自京師來者以魯人 壬戌九月二日前進士具都穆記 人其刻是集宣直私於一邑盖將公之天下者也弘治 古者将於是乎考固吳人所當寶也劉君為政不滅古 范文正公集政 蘇軾

大下日華 1

具都文粹編集

為其不可先生奇軾言盡以告之且曰韓范富歐陽此 誦習其詞問先生以所領十一人者何人也先生曰童 國士待戴曰恨子不識范文正公其後三年過許始識 涕曰吾得其為人盖十有五年而不一見其面豈非命 始舉進士至京師則范公殁既葬而墓碑出讀之至流 四人者人傑也時雖未盡了則已私識之矣嘉祐二年 子何用知之軾曰此天人也邪則不敢知若亦人耳何 也數是歲登第始見知於歐陽公因公以識韓富皆以

金岁四屋台屋

大巴马甲公司 一 尹太公管仲樂毅之流其王伯之畧皆定於献畝之中 盖不待文而顯其文亦不待叙而傳然不敢解者自以 托於門下士之末豈非畴昔之願也哉古之君子如伊 而公獨不識以為平生之恨若獲掛名其文字中以自 八成知爱敬公今四十七年其彼三傑者皆得從之遊 之遺稿見屬為叙又十三年乃克為之嗚呼公之功德 十一年遂與其季德孺同僚於徐皆一見如舊且以公 公之仲子令丞相堯夫又六年始見其叔奏叟京師又 吳都文粹續集

停誦至用為將握為執政考其平生所為無出此書者 今其集二十卷為詩賦二百六十八為文一百六十五 武為之而僥倖其或成也哉公在天聖中居太夫人喪 者諸葛孔明卧草廬中與先主策曹操孫權規取劉璋 長畫取三秦如指掌及佐帝定天下漢中之言無不酬 非仕而後學者也准陰侯見高皇帝於漢中論劉項短 已有憂天下致太平之意故為萬言書以遺字相天下 因蜀之資以爭天下終身不易其言此豈口傳耳受當

金月四月百言

欠已日巨 三手 者雖其翰戲語率然而作必歸於此故天下信其誠爭 知杭州軍州事蘇軾叙 者也元祐四年四月二十一日龍圖閣學士朝奉郎親 者也又曰我戰則克祭則受福非能戰也德之見於事 師尊之孔子曰有徳者必有言非有言也徳之發於口 而不可得如火之熱如水之溼盖其天性有不得不然 其於仁義禮樂忠信孝悌盖如餞渴之於飲食須臾忘 鄱陽顏范二公序 100 具都之粹結集 俞翊

金分口月白書 文章散人間雖筆端游戲之餘而典雅純實可以經世 鄱陽在江左號古郡昔之為守者固多以賢稱者九人 闕典也胡攝之來此首訪而得之鳩工鏤板以得不朽 如之然是邦實二公舊治獨無墨本而問見於他處誠 而出治垂久而行遠盖其所養得天地之正氣故文亦 公可謂難得也已二公名氏在史官大節在天下至於 而傑出於九賢之中又止唐之顏魯公本朝之范文正 人之眷卷二公雖不係於文集之有無然使學士上

次定四車全書 之集士大夫過郡者莫不欲見其可不整治乎於是委 照終古不泯者在唐則顏魯公本朝則范文正公文正 夫家有其書如潮人之於退之柳人之於子厚因書以 不可讀判府太冲先生當謂此郡太守名德如日月之 鄱陽郡齊州學有文正范公集奏議歲久板多漫滅殆 亥五月既望邵武俞翊謹識 致其師仰敬慕之意不猶名南有甘常之思乎乾道丁 都陽列文正公集引 具都 文科結集 綦焕

時書帖之間亦足以扶世教而垂後法非盛徳者其能 屬僚以舊京本丹陽集參校且捐公帑刊補之又得詩 大三十七篇為遺集附於後其間尚有奸誤更俟後之 右丈正范公帖得之丈定胡公家以刊於桂林郡者械 綦焕謹識 君子訪善本訂正馬淳熙丙午十二月日郡從事北海 聞君子言有教動有法其於文正公見之矣觀帖雖 文正公尺牘刊跃 張拭

欠正日日 人 當營私者必若公之先天下之憂而憂後天下之樂而 得其説而謹守之亦足以檢身而及物矣然所謂仕未 之漸者引而伸之亦非獨効一官者所當知也某年新 其名而其所論親僚友以絕壅蔽之萌禁防以杜奸私 樂事上遇人一以自信不擇利害而取舍然後足以充 然乎敢敬志之以詔來世淳熙三年元日廣漢張杖書 右范文正公與其兄弟之書其言近而易知世之仕者 文正公與兄弟書跋 具都文梓綺集 朱子

金为四周百章 惟昔賢者皆後世之師表而學者之慕古人則自處有 安朱熹書 范忠宣公文集序 楼鑰

凰事近而易考嘉言善行皆當取則而區區之愚少而

可解於心者本朝先正名德相繼如泰山喬岳景星鳳

不同如汲點之慕袁益司馬長卿之慕簡相如若有不

識完度贊嘆不已於諸鉅公間尤願執鞭欲追隨其萬

請元祐丞相忠宣范公言行録及復終始正學大節偉

大臣日臣八言 身誦之每恨未見其家集也嘉定五年三月甲戍公之 德之訓又若避好名之嫌則無為善之路等語皆當終 願顧年衰學落何足以與此三解不獲則取而伏讀越 赴郡以家藏本屬之既已刊就而售無序引徑以見委 世晚而謫居永州三年那人至今懷仰比因沈史君圻 從立孫中書舍人之柔見過謂鑰曰忠宣文集未行於 鑰謹謝之且曰托名不腐豈非晚進之幸豈非平日之 而不可得也如奏議國論等書如責人責已助應成 吳都文粹續集

語而一出於文正蘇文忠序文正公集有曰其於仁義 事自朝出鎮廟誤相業具載史冊不待贅言惟公平 争師尊之公真是似者哉而鑰之所尊敬者此又其餘 禮樂忠信孝悌如饑渴之於飲食欲須臾忘而不可得 先生師友之益發為詞章根抵六經切於論事無 親傳博之以泰山孫明復徂來石守道盱江李泰伯三 又日雖其翰戲語率然而作必歸於此故天下信其誠 日而盡得之盖公天資誠篤確志學問承文正公之

金万四周分書

欠足可巨人的 一 窺者温恭惟謹無異稠人遇有當為勇決過於貢育此 有所貶公亦非有意於以德報怨自謂上惜朝廷事體 州及言者攻館則極力争之謂已經先朝責降不應再 所適莫站以其見於外者一二言之鄧紹當奏罷公襄 哀樂所發而必中克伐怨欲不止於不行包含太虚無 其大過人者然亦尚可勉也心平而寬慮周而遠喜怒 忠恕得吾道之功用深入吾夫子間域非淺丈夫所能 下以安人情及側蘇黄門誦揚畏憚章而公去相位他 具都 文粹續集

金月四月百書 法公調特當去其太甚又須徐徐經理差役二事尤不 猶未平也風雨中覆舟於江以救僅免拭面而語家人 子厚必欲寘之死地而公素安義命無一語怨之家人 念其親公本以議新法不合而去及温公将盡改熙豐之 章子厚得罪父年九十議與一便郡公言當置往谷而 曰此亦子厚所為耶嗚呼使之從夫子於陳蔡當亦有 可暴操心類如此公既喪明而責知隨州尋竄永州益 日哲宗面斤黄門從容為解黄門謂公為佛地位中

等年老衰病何以自存迹其所罪亦因持心未恕好惡 初竄衛表時郊敕未頒先謂難從思宥公齊戒九州防 義存君親武公不遺餘力公不為動卒貰其死一時不 任情以異已為怨仇以疑似為弘謗誤國害公覆車 免於已甚者始知公之不寡新州於死之力也汲公革 教之上竹簾中下違同列賢如劉元城亦以吳處厚為 不容何病之言此非他人所及也蔡新州員罪至公力 以為快及事之變呂汲公劉忠肅等雖終於貶所其得

次足四華全書 一

具都文粹續集

金少口乃人言 善也嗚呼自熙豐元祐以至元符紹聖之間世事屢變 倘延以三數年之壽使再得政則必能混一天下可以 使遠至湖外賜好牽復迎勞不絕公時在瞽廢風痺中 鑒此不惟次寤泰陵正欲感動子厚輩使之革心而從 知上果用我亦欲感激自奮而病不可為矣嗚呼天乎 平於朝莫欽聖憲肅皇后與微皇待公而為政致遣中 灰覆非一 副建中靖國之意宣復有後日之禍哉公既去矣而 一截皇践祚改建中靖國流人悉歸四海望太

蔡呂俱召呂又為蔡所排而任蔡愈專矣此所以撫卷 長懷而繼之太息流涕也後之君子欲多識前言往行 冠蟬縣然自忠宣以來一百二十有四年而後中書舍 佩乎文正四子長監簿以病早殁忠宣與二季俱顯衣 以蓄其德者於此書可不熟復而力行之以代弦韋之 (始紹科第世實監簿之玄孫范氏之興未艾也四月 ,丑朔正奉大夫参知政事魚太子賔客四明樓鑰謹

とこの 日本

具都文粹續集

<u>示</u>

金月口屋台書 滅將繕寫發梓而鄉士錢翼之見馬樂為之書於是命 先文正公奏議十七卷韓魏公為序在昔板行於世雖 丈英謹識 工利置於家塾期世傳之元統二年甲戌九月八世孫 不復存其政府奏議二帙卷中不載茲得篟本惜多漫 八嘗為萃等言自十四五始為詩文晚而彌篤或寢 刻政府奏議跋 石湖居士集跃 范丈英 范革

Dent lease ! 夷白齋稿合若干篇臨海陳敬初先生所著予既訪之 霜露思其志意思其所樂優然如見懷然如聞庶得籍 快而棄不肖之孤其尚忍言哉當從九京游而未敢者 生誠裔求校於龔編修芥隱而刊於家之壽樂堂春秋 以先人之志未承也詩文凡百有三十卷求序於楊先 疾醫以勞心見止亦以政自不能不爾謝之手編僅成 口以告我先生云泰嘉二年十二月初三日幸謹書 夷白齋稿序 吳都文 粹绩集 戴良

幾於漢奈何元氣僅還而剥喪戕賊已浸溢於五代之 先生盡得其稿而編次之以為三十四卷而復序其篇 沈謝之刻鏤王楊盧駱之纖艷又靡然於當時至唐之 遷揚雄劉向之徒出而斯文始近於古迨其後也曹劉 聖人之遺言既媳諸子雜陳而汨亂之漢興董生司馬 目曰世道有升降風氣有盛衰而文運隨之故自周衰 陋至宋之劉楊猶務妃青儷白錯綺交繡以自街後七 久而昌黎韓子以道德仁義之言起而麾之然後斯文 卷五十五

金分四月百書

皆涵淳茹和以鳴太平之盛治其擕詞則擬之漢唐説 謂經義者分裂牽級氣日以果而南渡之末卒至經史 漢唐之盛未幾歐志弗克遂伸學者又習於當時之所 未易以一二數然自大歷以來擅名於海內惟蜀郡虞 廣曠古所未有學士大夫乘其雄渾之氣以為文者固 公豫章楊公及金華柳公黄公而已盖四公之在當時 文義判為專門士風類獎於科舉之業而我朝與地之 十餘年廬陵歐陽氏又起而麾之而天下文章復侔於

九三日臣 公子

3

具都文科績集

采習聞具聲欽邈然其不可接者久矣於是淪謝殆盡 治博則又無得四公之指授者耶郁郁彬彬何可及哉 虞公新安程公之古潔則有得於楊公而臨川危公之 文名家者猶不下數十如莆田陳公之俊邁則有得於 之並稱之日虞楊柳黄而本朝之盛極矣繼是而後以 理則本諸宋氏而學問則優柔於周之衰學者咸宗尚 近年以來獨危公東筆居中朝自餘數公當想見其丰 而得先生以紹其聲光也先生黄公之高第弟子當員

金月四月百量

ĸ

輔不次用賢即以樞府都事起於家後又用之省幕用 遠也歷年非不久也能言之士非不夥且眾也斯文能 之公府跡愈顯而文愈工人之求皆隨而應益燦乎其 於熊趙角輦轂之下久之於時雖未有所遇然自京師 其所有涉海江游吳中久之又自吳踰淮泝河而北達 可觀矣夫自周衰以來至於今幾二千載其涉世非不 置則其得之黄公者深矣後由京師還吳適值兵與藩 及四方之士不問識與不識見其文者莫不稱美之不

欠已日長公等

英都文粹績泉

生名基字敬初夷白其自號也故以題其稿云九靈山 之者所以明求一字畫之微皆可為斯世之貴重也先 之累月曾莫有所去取於其問雖片言半簡成附而錄 稱者自期待世其可不為之貴重歟余於先生之丈讀 之不古而人之難得若是歟於此有人馬能以卓卓可 而四世之中士之卓卓可稱者又當不過數人馬何世 自振拔以進於古者惟漢唐及宋及吾朝此四世而已 戴良叙

遺文三十五篇余悉錄之令得王氏本相校異同於海 尚實李公前修郡乘時先得海虞士人家本一冊復有 矣因其言而名之則有丈矣故文者言之精也而詩又 基傳一通謝嶽詩一首並存拾遺後 虞本錄出為拾遺一卷吳中尤氏藏遺墨數紙內有陳 人生而形具矣形具而聲發矣因其聲而名之則有言 跋夷白齊拾遺 缶鳴集序 朱存理 胡翰

Calone Line

具都文粹續集

哉近之於身遠之於物矢之為天地變之為鬼神與凡 文之精者以其取聲之韻合言之文而為之也豈易言 少有俊才始予得具詩於金華見之未當不爱及來京 之載廣之不貴解說而極乎形容之妙比與之微若是 古今治政民俗之不同史氏之不及具載者取而咏歌 古今體數百首其事雖微可以考得失備史氏之所懲 師同在史局又得其所謂缶鳴集者閱之累日不倦合 者豈非風雅之遺意哉宜君子有以取之吳郡高君季迪

金好四月全書

欠己日東 白上司 舉不足以易其樂馬此其所得為何如哉吾聞鐘聲致 之含毫伸牘吟聲呼吸具得意又自以為天下之樂 而立號石聲磬而立辨終聲哀而立應竹聲濫而立會 **僑類倡和乎山之厓水之滨取世俗之所不好者而好** 禄以自活舊金間季迪日與之處曾不免馬顧乃率其 竊者據之擅具利者十年矣士於是時熟不的升斗之 勸其解則予之所欲摹擬而莫之工者雖舒振發而曲 折官如也果何自而得之方吳郡未入版籍不幸為僭 具都文粹結集

嗟夫憧憧往來朋從爾思孰能為余發具吟風之趣乎 季廸由是求之其於道也亦幾矣洪武二年秋七月長 之頌不必費辭也而後世稱之則季廸之樂亦予樂也 予知之者商聲之歌不必出乎已也而曾子歌之奚斯 求知於人求知於人者不得乎天季廸不求知於予而 鼓擊之聲灌而立動若缶鳴之聲果何音也其西音乎 將作而此其兆乎何為一旦而及吾耳也得乎天者不 南音乎抑太古之遗音乎不然則天下将治正始之音

金为巴居白書

七首余為叙而評之曰季廸之詩俊逸而清麗如秋空 高季與詩十二卷凡為樂府五七言近體古九百三十 飛隼盤旋自折抬之不肯下又如碧水芙蓉不假雕飾 山病叟胡翰序

たこうしたないる

予當論中吳之士唐有陸魯望宋有范至能夫魯望之

兵都 之 粹 續 集

偷然塵外有君子之風馬以余之所言而余之所不言

從可知已然則季迪之詩集不可不傳飲季廸中吳人

詩寄興幽遠而其音響則嚴嚴已迫於晚唐至能之詩 金分四月白書 措辭温縟然其格調特宋馬耳在勝國時余適吳則陳 李廸之詩馬今季廸年方壯志氣偉然其所自見殆不 孰後也吳之詩在元惟子平而知者益鮮吾於是復得 子平詩其為言平寔而流麗揆之陸范吾不知其熟先 知孰先孰後也嗟乎詩之道微矣世之有志於斯者莫不 止於詩而其於詩則已能自成家與唐宋以來作者又不

鞠明究曛疲心思於簡牘間而後為言乃或有可傳其

言之精者謂之文詩又文之最精者何以知其然耶二 侍講制金華王禕序 内府教胄子授翰林國史編修云洪武庚戊三月翰林 者矣季廸名故季廸字也項承詔與予同修元史尋入 非其才之過人也歐而傳之世必有因其詩而知其才 能如此而季廸乃以此自成家追古之作者以為並豈 不可傳者固不可勝數是不可不謂之難也以詩之難 又序 謝綴

欠己日日 10 具那大科領集

金分四屋台雪 或未知以文而觀詩因謂詩特文章之末技庸詎知聲 成文謂之音而詩之中文已具馬韓退之之言曰李杜 作金石並鳴由是而聲之用極矣世皆知以詩而觀詩 品彙陶冶化工根乎性情之真達於音響之妙宫商間 聲出馬凡人有聲斯有言有言斯有文文至於詩包括 靈於物者為人然氣至混然天成發宣鴻鬱然後人之 之呼吸而盡之以江河然後地之聲出馬受形於兩間而 氣為之索篇而鼓之以風霆然後天之聲出馬聚竅為

悟入識見起指亦何足以語此哉渤海高君季連疎典 文章在光鉄萬丈長斯言也其善論詩者已然非天機 以為不及季廸之於詩誠精矣然其意則自謂古風人 游四方不懈益勤刮磨漱滌日新月異紳於諸老咸自 始季廸之為詩不務同流俗直欲趨漢魏以還及唐諸 俊邁警敏絕人無書不讀而尤塞於羣史與余交二十 家作者之林每一篇出見者傳誦名隱隱起諸公間及 年余知季廸之能言也久然未嘗不以其詩而得之也

次足四車全

具都文粹編集

金少巴方 之解不如是也三百篇之傳豈皆出於一人之手哉著 思俊發湧若源泉捷如風雨項刻數百言落筆勿能休 或花間月下引觴獨酌酒酣氣豪放奇作楚調已而吟 志用情而其樂盖未能以此而易彼也聞者以為然當 言亦性馬而嗜之之篤殆與人之躭悦世好者同一肆 思神與趣融景與心會魚龍出沒巨海中殆難以則度 其一室燕坐圖書左右離别拂拭塵几埃案間冥點靜 其一二皆可遺之後來尚異以多為哉吾非欲成一家 M. I. Hiller 卷五十五

次定四車全書 · 儒先君子序其端今年冬予訪之吳淞江上季廸出其 有吹臺集缶鳴集鳳臺集凡為詩幾二千首皆當世之 而馳也季廸之於詩可謂能盡心馬爾季迪之詩甚多 其才氣逸俊如泰岳秋隼之孤騫崑崙八駿追風躡電 故季迪之詩緣情隨事因物賦形横縱百出開合變化 霽月之連娟也至其文采縟麗如春花翹英蜀錦新濯 而長裾也其思致清遠則秋空素鶴週翔欲下而輕雲 而不拘拘於一體之長其體製雅醇則冠冕委蛇佩玉 吳都文粹續集

賜歸鄉里云洪武三年十二月既望史官吳郡謝徹序 詩示余盖取舊所集諸詩益加刑改彙粹為一總題曰 召修元史教西學弟子員入翰林為編修推户部侍郎 不肖屬予序之庸敢叙諸編端以俟季廸家姑蘇嘗應 今年庚戌冬而止後有所作當別自為集季廸不以予 餘篇皆其精選富矣哉亦可謂不易矣然是編也特以 在鳴集自古樂府歌行而下至五七言諸體得詩三百 髙太史大全集序 劉昌

るうセノスラ

之所以存鑑戒者亦多聖人及縱横捭闔之說與而大 者之有考也六經更聖人之手其言粹然一出於正要 王之道救當世之與則必著於言馬底幾見者之用聞 先生文集乃以示昌昌謹為之序曰夫將以所學明先 千若干篇儒士徐庸字用理之所廣也用理既以類廣 經青丘先生高啟文集二十四卷舊一千若干篇令二 故嘉議大夫户部侍郎前翰林國史院編修官授諸王

義微漢廣游學之路董生賈誼始各以其學自見著書

具都 大粹績集

幸太

飲定四庫全書 人

博學力行本論之言有益於治至朱元晦則根據六經 数千萬言沈雄簡與其明先王之道陳當世之務畧傳 伯之界致義利之辯而已令諸家之言具存考之可知 矣唇韓愈起力變八代之衰習故其言雅醇而杜甫李 業而繼馬以稱治者有賴於是馬先生生元丙子少稟 用之猶尚可行也盖三代而下漢唐宋之所以聳德著 之旨攘斥百氏之非歸然為世儒宗其大要使人審王 白又各以其學自見明王道具時政謂之詩史宋歐陽修 巷五

神慧長讀六經諸家之言融而通之會而成之又取而 洞庭之張樂也條乎如幽壑之舞蛟也致之於用則如 力行之其發之於言則治乎如大水之決防也新乎如

隱於青邱登高望逐撫時懷古其言多激烈慷慨若將

射者之於的隼乎其無疑也然值國歩之既促不見用

改定四車全事 图

成授諸王經進户部侍郎尊顯極至先生感之領先王

具都文粹績集

先生起與元史之修録善醜惡儒者之功庶幾彰施史

與世無所求者及我太祖高皇帝定馬建業肆詔徵賢

而待之則學將止於是乎言將止於是乎行將止於是 其言至於今誦習而師承者不衰正柳宗元所云生而 **訟其身必信其聲是以董賈貶逐而名用長甫白窮放** 不遇死則垂聲者也方先生死始三十有九使少優游 而詩傳韓愈歐陽修朱元晦雖號通顯而未免罷斥然 所以厄斯文也嘗竊論馬天道惡滿取之不可以全然 治化時甚賴之未久即解去去後蹇連以死嗚呼殆天 之道以匡濟世務言多雄偉奇古足以聳張德業神益 仕江左而生吳中遂家馬又誦先生詩云我家岷山更 子布衣時雅聞楊孟載先生盛名及入翰林為史官奉 **初纂修大明一統志改先生先世於蜀嘉州人因大父** 乎嗚呼天實為之謂之何哉用理師學於先生之言得 年庚午冬十二月望日賜進士出身吳人劉昌序 而可行以明其言之果有賴於世也嗚呼厚矣景泰元 之既深遂勤圖傳之亦使聞者考之而可知見者用之 眉卷詩集序 江朝宗

次已日華全等

兵都文粹續来

金发电影台里 讀書日記數千言尤工於詩與高政徐賁張羽為詩友 初任榮陽令再誦鐘離問居江寧句容久之被薦陞江 蜀人也先生生于元末仕於國初宏遠之蹈浮正之學 西住正見岷山發源處於是乎益知先生雖生吳中實 授鄭綱編集已板行矣字多訛謬先後失序而缺畧尤 古律五七言古體及歌行排律絕句詞曲總若干篇教 故時有高楊張徐之稱云先生所著有眉卷集五七言 西省幕賓復使湖南廣右累官山西按察使誌載先生 卷五

次定四軍全書 图 於天下後世天下後世即其詩可以知其志知其志可 唐人風味夫豈易得者哉敛憲公能俾先生之詩大顯 為威令先生之詩粮羅織蔚該正大和平之音殆有 廣其傳其用心亦厚矣哉間以示余伴為之序夫詩言 素重先生之詩每遇公暇軟研究之補其缺界次其先 志也三百篇之後變而為漢魏為六朝宋元以前惟唐 後履歴之字之謬訛者悉考正之釐為十二卷繡梓以 吳都文粹結集

甚識者惜馬吳中張公企劉以名進士累官廣東会憲

其景仰之誠得不於是而少舒哉成化二十年夏六月 余後生小子因僉憲公之命不敢以謬悠辭而僭序之 下自幼敏悟絕人日記數千言弱冠工文詞議論古者 眉卷楊先生孟載吾蘇之吳邑人家天平山南赤山之 **士經筵官蔗太子講讀江朝宗書** 既望賜進士奉直大夫廣東市舶提舉前翰林侍讀學 知其人然則先生不但有光於吳而且有光於蜀也 眉卷集後志 卷五 張 習

奇之會務楊庶夫以詩伯一時少所推可偽雲間往來 鐵笛歌尤且效老鐵體翌日成以呈應夫不覺自失曰 吳下以所號鐵笛謂先生能歌之乎先生曰不惟為作 就職當時文章大家若參政饒介之周左丞伯温見皆 之學優於老鐵學也交與成忘年故當時有老楊小楊 遂偕之東遊呼從者曰吾在吳又得一鐵來矣若等就 吾意詩道已無今復得子老鐵當退步讓爾一頭地也 亦數萬言謂之論鑒嘗絜以試儀曹值元季兵與勿果 具都文粹精集

大王日奉在5

7

徐幼丈輩倡和以自適迨我聖祖肇基之初即受薦任 諸故老驗諸詩所載特其大概緣當時無有筆其行實 廣右既而擢山西按察副使陞按察使而卒此履歷聞 江西省幕賓以累復落職處句曲山中又起奉使河南 河南滎陽令尋謫鍾離問居秣陵江濱久之又用薦為 不存稿當見先生自序一帙云因吾友方君不得余全 者故莫克致詳然先生平日之詩甚富皆率意為之畧

金万世

压扫量

巷

之稱云避兵圍城中日與才友高季廸王正仲朱來儀

欠已日華上野 日 抄錄凱圖彌盈及長而仕偕以出入有年猶每隨訪隨 奇作失載識者病馬習在醫齡即授誦先生之詩偏假 毀梓以傳噫文章在穹壤間譬之精金美玉不求乎人 起會各本錄就請前翰林學士西蜀江君序諸首重圖 録卒莫致其全兹官嶺表念齒已邁爰命庠生顔恭文 殊後至天順問郡人鄭教授嘗為刊行問多訛謬知諸 流傳人問者十無二三况皆抄本又無序志家異而人 集為恨故留此以示之爾則是先生盛年稿已散失令 具都文粹續集 学二

金グロカと言 其所好之寫也習為鄉人晚生敬慕前哲之賢自幼抵 老不忍泯泯是固庸陋無丈不能表章乎幽潛則區區 而人自即之無有久暫而異所好然好金王之寶者世 **濱成化乙已秋桂月朏同邑後學張習志** 以致詩之清豪自成一家言者覽是集當自得之茲不 素願記不由之少慰哉若夫先生學力之充才氣之雄 人之常情而文章雅談非有景賢好古之心莫克以致 五 張習

名為大家與論此唐之四傑故老言不惟文才之似而 高楊徐相友善聚首之際未嘗不以詩為事積之既盛 之能必指先屈於吳也維時張來儀先生自江右來與 遜學王汝冤釋道行輩附和而起故極天下之藏數詩 俞鄭元祐張伯雨襲子敬陳子平宋子虚錢真之陳敬 彦正王正仲楊孟載高季廸宋仲温徐幼文陳維寅丁 初顧仲瑛輩各出所長以追匹乎古者繼而張仲簡杜 吾吳之詩自唐皮陸倡和為一盛再盛于元季自王元

次至四軍公馬

具都文粹績集

分写中月八三年 先生竄嶺表尋召還以對內政之不協恐禍及已處投 其攸終亦不相遠眉養盈川今終如一太史存心無疵 本所謂靜居集者什惟二三生自幼抵老求之真得其 於當世而自有以延於後世未可以彼而易此吳中鈔 **苟工而名家則凡具人心者罔不知好之故不欲其傳** 龍江以沒又與照鄰無異噫詩在天壤間患惟不工耳 而斃則同乎賓王北郭雖不溺海僅全要領而非首邱 而人自無不傳詩之存人之存也是知先生之年雖不永 ě.

一次定四車全書 人 具部文料領集 詩惡乎變三百篇後變乎攜手上河梁下迨建安齊梁 唇矣非詩之變乃時之變也吁詩貴乎變不守一律千 數變至唐泊宋季之詩大變而絕何邪詩關乎風化繫 乎氣數士昔為于時文視詩為長物雖有不工工不及 **備亦並刊入尚期博識同志界足成之尤為幸甚弘治** 卒亥秋八月十二日吳晚生張習謹志 全不克文梓垂軍又得吳興本較之雖曰加倍猶未克 翠寒集序 節光薦

詩病非膠攣淺易則室泥狂怪蔥獵奇事穿穴異開失 變萬化變之不窮惟子美能當之豈惟詩丈亦然宋之 詩則不然子虚生景定間未弱冠時已廢科舉學故惟 怨其深於變之也余客江東會西溪王公稱其才學茂 詩是學大篇如天孫織絹雲經霧緯自出機柚小律則 豐厚而就儉約趨窘局而棄高遠不能平澹蕭散雍容 日光虹彩渾然尺璧穠麗縝密而不艷含鬱靜婉而不 和緩求如晚唐杜尚鶴方干輩斯可矣吳逸士宋子虚 卷五十五 予言也故序之子虚名无翠寒其齊扁云歲在屠雍赤 少陵云清詩句句盡堪傳奚在予序子虚之詩足以重 者深嗚呼作詩難序詩尤難子虚之詩顯果在予序則 唐之三百家無序者其詩皆能晦乎係其詩之工拙 爾 虚始出稿畀余序余所知子虚者淺矣子虚之不屑為 汲汲於成名其行業皆然不獨詩然也余將於九江子 得所寄天馬歌諸作乃益嘆服盖本於學涵養有力不 異弗就觀其人淵默似不能言者其詩超邁而自勁後

欠三日年七日 图 共都文粹始集

金月四屋 白電 悒鬱千載間皆能發而化之為詩余先子昔處是那當 時需獨唐皮日体陸魯望隱松陵為詩文相倡酬故吳 吳古為都會山水富甲東南長村秀民問出層見以濟 遊甚稔每話具區山水之勝出所為詩風流蘊藉膾炙 往來吳中皮陸之風尚可想見辛卯秋客燕子虛與予 之山川自西子館姓宮鹿遊胥臺殘花遺草烟霾日曀 奮若清明日盧陵鄧光薦中父叙 又序 趙孟頫

欠足日年在時 吳興趙孟頫子昂又序 天诎西北曰无曠古未有有姓而以元為之名者吳人 行世居晉陵家值兵難遷吳昌朱姓云元貞乙未中秋 並進大篇長什當有寫御屏者子虚姓宋舊以晞顏字 以卷舒豈若唐之皮陸真能隱於詩邪使子虚仕與詩 溪王中丞以茂才舉之辭不就余觀子虚多子員雖時 可喜皆不經人道語子虛年未艾有能聲詩且通史西 吳都文粹績集 馮子振 D) A

尚求其故母已則春秋之冉有乎或曰以冉有對宋九 子虚之對待而三千載之有姓氏不聞單无之隻字為 全自全異自異之對待吾欲取某姓而姑名之曰有為 宋子虚乃以元為之名斯名也子虚殆始自亡是公鳥 與盧仝對馮異固無以異而歲月卜之吾東家聖師之 綴某字者以為名未若宋子虚之无有獨無對之特出 之名者徐無鬼公子無忌之屬生戰國者無之且必連 有先生丹盧全異自異之對待相與莫逆於是不能無

金月口屋有書

次定四車全書 人可無其詩乎其烏夜啼公無渡河戰城南公莫舞至 **庚夜自明雖使太白復生亦應為子虚擊節七言律楊** 妾簿命古研歌詩諸家古錦神林思家外带三分鳳麟 但無能名子虚者並與子虚之詩無之此邦不可無斯 闕里則去冉有也惜遠矣有無姑置吾讀子虚所為詩 思之情惊如承恩金馬詔失意王環詞落月令誰吊長 洲山飛仙羽翮格力其五字律風調悽惋不勝江哀浦 則求之吳中殆無盐第二指然則五革三泖之地望不 兵即文粹續集 <u>+</u>

鱼厂口 黄松上鼠頭白竹間禽七言如桃葉歌殘秣陵酒梨花 柳黄昏晓西月梨花明白夜東風秋千庭院人初下春 稳山人作枕便異或稱羊化疑應訝虎眠不須填碧海 椰子醉蠻春如空悲祖龍死但覺鮑魚腥如織女支機 鳳吹笙五言若蜀魄花成血山魁樹隱身竹枝歌峽夜 月盡春夢五更初七言如縮地日愁龍作杖卧雲時約 夢斷景陽鐘五言如采樂逢毛女焚香對羽人客愁三 半園林酒正中五言如乙爲歸來社卒夷開過春如身 J! E K £. † 五

**钦定四庫全書** 彼韻春風丟涼月之客主豈特可標而出諸大門之外 集而序之好事者寫之於圖有味乎其言而時調誦之 姿而天壤間知子虚最晚恨子老無能為矣姑取其詩 潔一字不可易豈但吳中無子之詩乎子虚有韻人之 **裊垂北風吹樹動西日照窓涼之類至其絶句雅淡清** 永飄飄然自異於金陵含風鴨綠粼鄰起美日鵝黄裊 秋添住岳情標致極似唐人諸詩而對偶之工興寄之 直欲補青天如勒銘留水寺應供宿江城夏減游方興 具都文粹續集

當其盛時持其詩納之白傳則翠寒之集若不虚而奏 宋子虚云矣醉吟晚守姑蘇惜子虚不當是時如子虚 之白王之堂他日亦應俎豆洛社諸人之右寧當别有 也異時白醉吟生七月能識之無二字是孩提時已識 中真無其匹者太湖三萬六千項寧當無真識子虚者 絡與與馬追逐時好以取世資其胷中泊然無營殆眼 雖引却百驛数十日猶俗氣溷人也子虚嘗舉茂材於 王西溪平生獨刻意於詩官情雲薄以故不肯輕就龍

五十五

子振序 之翠寒詩集之雅號云延祐唐申冬孟一日海一粟馮 識子虚者其未能如醉吟翁方孩提識之無者勿以語 序其卷最後集賢馮公開其詩欲行將有以資之而亦 子虚先余廿年雖知嗜吟其亦未始置盡牙間自其壮 **未嘗見其卷也公一日過子虚索稿子虚不容已遂出** 年遊江東首見知中丞王公侍御鄧公令承吉趙公皆 翠寒集跋 錢良右

とこりるしたり

具都文粹續集

**早** 

馬公欣然援毫不煩脱稿一掃千餘言昨所聲誦亹亹 詩真刻意於唐者明當為子序之翌旦子虚袖二紙請 出筆下至於題之前後句之次第界不少差其一二所 稿公疾視點覽遇住句報首肯而聲誦之謂子虚曰子 傳者乎今子虚是也馮公序其詩時年已踰耳順何 片言隻字以陶寫其心腹不求人知有終其身而詩不 喜坐客皆為之嘆服吁士之處世能不逐聲利而獨嗜 許可皆子虚平生得意句世所謂膾炙者子虚亟拜且

金好四届全書

文已日 自由 **霓其卷而盡能點記住句於俄項之間抑子虚之詩如** 且以紀馮之才之强記云至治二年六月一日里人 寒集其堪擊節者恐不則若是也因徵予書獲識卷末 正聲雅樂入耳而不忘邪序雖擷其英為公論余意變 右謹書 Ų 具都文粹情集 門九

金少正是白雪 吳都文粹續集卷五十五 卷五十五